



1. მიზნები და ამოცანები

საქართველოს თასის გათამაშება მიზნად ისახავს:

- საქართველოში კალათბურთის შემდგომ პოპულარიზაციას და განვითარებას;
- საქართველოს თასის მფლობელის გამოვლენას.

2. საქართველოს თასის ორგანიზების და ჩატარების ხელმძღვანელობა

საქართველოს თასის 2017 ორგანიზებას და ჩატარებას ხელმძღვანელობს საქართველოს კალათბურთის ეროვნული ფედერაცია (შემდგომში “ს.კ.ე.ფ”) საშეჯიბრო დეპარტამენტის მეშვეობით. თამაშები ტარდება „კალათბურთის ოფიციალური წესების” და წინამდებარე დებულების თანახმად.

3. ჩატარების დრო და ადგილი

თამაშები ჩატარდება შემდეგ ქალაქებში: თბილისი, ქუთაისი, ბათუმი, რუსთავი. ფინალურ მატჩს უმასპინძლებს თბილისის ახალი სპორტის სასახლე.

ფინალი ჩატარდება ერთ მოგებად თბილისში. გათამაშება დაიწყება 2017 წლის 10 იანვარს და დასრულდება 2017 წლის არაუგვიანეს 30 აპრილისა.

4. მონაწილე გუნდები და ჩატარების სისტემა

4.1 საქართველოს თასის გათამაშებაში მონაწილეობს სუპერლიგის 8 გუნდი და ა-ლიგის 4 გუნდი

1. დინამო
2. ქუთაისი
3. მგზავრები
4. ბათუმი
5. მარნეული
6. რუსთავი
7. ოლიმპი
8. კაკტუსი
9. სოხუმი
10. თსუ
11. სეუ
12. არენა

4.2 თასი გათამაშდება პლეი ოფის სისტემით ერთ მოგებად. გუნდები დაწვევილებიან სუპერლიგის 2016-2017 წლების სეზონის ორი წრის შედეგების მიხედვით ხოლო ა-ლიგის გუნდები მიიღებენ მონაწილეობას სურვილის შესაბამისად. ა-ლიგის გუნდები თასის გათამაშებაში ჩაერთვებიან საკვალიფიკაციო ეტაპიდან.

4.2.1 წყვილებში მოედნის უპირატესობა ენიჭება იმ გუნდს რომელმაც სუპერლიგის 2016-2017 წლების სეზონის ორი წრის შემდეგ უკეთესი შედეგი აჩვენა.

5. ჩატარების პირობები:

5.1 მოთამაშეები, მწვრთნელები და თანმხლები პირები დაიშვებიან სუპერლიგის 2016-2017 წლების სეზონში გაცემული ლიცენზიებით.

5.2 ყოველ თამაშში მონაწილეობის უფლება აქვს მხოლოდ ოქმში შეყვანილ მოთამაშეებს (12 კაცი), მაგრამ არაუმცირეს 10 მოთამაშისა.

5.3. ყოველ გუნდს უნდა ჰქონდეს ორი ფერის სპორტული ფორმა (ღია და მუქი), ასევე მოთამაშეთა მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – “ს.კ.ე.ფ”-თან შეთანხმების შემთხვევაში).

5.4 თამაშები ჩატარდება სუპერლიგის მიმდინარე სეზონის დებულების მიხედვით.

6. დისციპლინარული დარღვევები:

დისციპლინარული სასჯელის ზომას დებულებით დადგენილ ფარგლებში განსაზღვრავს “სადისციპლინო ტექნიკური კომისია”

გუნდის წარმომადგენლებს: მოთამაშეებს, მწვრთნელებს, მწვრთნელთა თანაშემწეებს, სამედიცინო პერსონალს ეკისრებათ პასუხისმგებლობა ქცევის წესების დაცვაზე მატჩამდე, მატჩის მსვლელობისას და მატჩის დამთავრების შემდეგ. წესების დარღვევისათვის დადგენილია შემდეგი სასჯელები:

6.1 შეურაცხყოფა სიტყვით ან ქუსტით:

6.1.1 მსაჯების, კომისრის, მსაჯ-მდივნების, მეტოქის, მაყურებლის, თანაგუნდელის მიმართ, გუნდის წარმომადგენლები ერთმანეთის მიმართ – ჯარიმა 200(ორასი)-დან 500 (ხუთასი) ლარის ფარგლებში და დისკვალიფიკაცია 2(ორი) –დან 4(ხუთი) თამაშამდე.

6.2 ფიზიკური შეურაცხყოფისთვის:

6.2.1 მსაჯების, კომისრის, მსაჯ-მდივნების მიმართ – ჯარიმა 800 (რვაასი)-დან 1500 (ათასხუთასი) ლარის ფარგლებში და დისკვალიფიკაცია 5(ხუთი)-დან 10(ათი) თამაშამდე.

6.2.2 მეტოქის, მაყურებლის, თანაგუნდელის მიმართ, გუნდის წარმომადგენლები ერთმანეთის მიმართ – ჯარიმა 500(ხუთასი)-დან 800(რვაასი) ლარის ფარგლებში და დისკვალიფიკაცია მინიმუმ 5(ხუთი)თამაშამდე.

6.3 იმ შემთხვევაში, თუკი გუნდი არ გამოცხადდება ან უარს იტყვის ნებისმიერი ეტაპის ცალკეულ თამაშზე ან თამაშის გაგრძელებაზე:

- გუნდი ავტომატურად იხსნება საქართველოს თასის გათამაშებიდან და ჯარიმდება 3500 (სამიათას ხუთასი) ლარით.

6.4 გუნდის ოფიციალური პირების (გუნდის ხელმძღვანელობა, მენეჯერი) არასპორტული ქცევა:

6.4.1 მუქარა, დაშინება ან არასპორტული ქცევა მეტოქის, მაყურებლის, მსაჯების, კომისრის ან მსაჯ-მდივანთა მიმართ – ჯარიმა 1000 (ათასი) ლარი.

6.4.2 ტურნირის განმავლობაში იგივე დარღვევის განმეორებისათვის ჯარიმა 2000(ორიათასი) ლარი.

6.5 თუ პიროვნება რომელზეც უნდა გავრცელდეს ზემოთმოყვანილი სანქციები წარმოდგენილია ს.კ.ე.ფ-ის ასაკობრივ ჩემპიონატებში, სუპერლიგაში, მასზე ვრცელდება 2(ორი) თამაშისანი დისკვალიფიკაცია იმ ასაკობრივ ჩემპიონატში სადაც არის წარმოდგენილი, ხოლო თუ დისკვალიფიკაციის ვადა აღემატება სეზონის ბოლომდე გათვალისწინებულ კალენდარული თამაშების რაოდენობას, დარჩენილი სასჯელი გადადის მომდევნო სეზონში.

6.6 დისციპლინური დარღვევის შემთხვევები და მათ გამო გასატარებელი სასჯელები, რომლებიც არ არის მოყვანილი ამ დებულებაში, განიხილება ს.კ.ე.ფ-ს გამგეობის მიერ.

6.7 განსაკუთრებულ შემთხვევაში ს.კ.ე.ფ-ს სადისციპლინო-ტექნიკური კომისია უფლებამოსილია, თავის შეხედულებისამებრ, გაზარდოს სასჯელი დარღვევის სიმძიმის გათვალისწინებით.

6.8 გუნდის წევრებისათვის დაკისრებული, დებულებით გათვალისწინებული, ყველა სახის ჯარიმების გადახდა უნდა მოხდეს მომდევნო თამაშამდე, წინააღმდეგ შემთხვევაში თამაშის კომისარს ეკრძალება მათი დაშვება მომდევნო თამაშზე.

6.9 ზემოხსენებული ჯარიმების არადროულად გადახდაზე მოელი პასუხისმგებლობა ეკისრება გუნდის (კლუბის) ხელმძღვანელობას

7. ფინანსები:

7.1 საქართველოს კალათბურთის ფედერაცია გაიღებს შემდეგ ხარჯებს:

- სპორტული ბაზის იჯარას (თბილისში გამართული მატჩები);
- მსაჯთა ჯგუფის მიერ თამაშების მომსახურებას;
- ტურნირისთვის საჭირო სარეკლამო ატრიბუტიკის დამზადებას;
- თასის გათამაშების მონაწილეთა მწვრთნელებისა და მოთამაშეების, მატჩების დროს გამართული სხვადასხვა საშეჯიბრო კონკურსის მონაწილეების დაჯილდოების და მაყურებელთათვის სხვადასხვა სამახსოვრო სუვენირების (თასი, სიგელი, მედალი) დამზადების ხარჯებს.

7.2 კლუბების მგზავრობის, სასტუმროსა და კვების თანხებს გაიღებს კლუბის მიმავლინებელი ორგანიზაცია.

8. პროტესტი

8.1. პროტესტი “ს.კ.ე.ფ.”-ში შედის წერილობითი ფორმით და „კალათბურთის ოფიციალურ წესებში”

ჩამოყალიბებული პროცედურების დაცვით.

8.2. პროტესტის შემომტანი გუნდი იხდის წინასწარ თანხას 100 (ასი) ლარის ოდენობით. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

8.3. გუნდის პროტესტის განხილვის პირველ ინსტანციას წარმოადგენს “ს.კ.ე.ფ.”-ს საშეჯიბრო დეპარტამენტი..

8.4. თუ გუნდი არ ეთანხმება პირველი ინსტანციის გადაწყვეტილებას, პროტესტს განიხილავს “ს.კ.ე.ფ.”-ს გამგეობა. ამ შემთხვევაში წინასწარ გადახდილი თანხის რაოდენობა იზრდება 200 (ორასი) ლარამდე.

პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

9. დაჯილდოება

საქართველოს 2017 წლის თასის გამარჯვებული დაჯილდოვდება

საქართველოს კალათბურთის ფედერაციის გარდამავალი თასით.

საქართველოს 2017 წლის თასის საუკეთესო მოთამაშე დაჯილდოვდება სამახსოვრო პრიზით.